

Euskal Autonomia Erkidegoa erreferentziatzko ekosistema ekintzailea da, eta kultura ekintzailea sustatzeko erronka garrantzitsuak ditu.

- Euskadiren balorazioak Europar Batasuneko batezbestekoa gainditzen du.
- Hori horrela, erreferentziatzko ekosistema ekintzaile bihurtu da.

Euskal Ekintzailetzaren Behatokiak (EEB-OVE) Euskal Autonomia Erkidegoko Global Entrepreneurship Monitor 2022-2023 Txosten berriaren datuak aurkeztu ditu. Ekitaldian María Saiz EEB-OVEko presidentea hartu du parte, eta ikerketa horren ondorio nagusiak azaldu ditu. GEM Txostenak Euskadiko ekintzailetza-ekosistemaren adierazle esanguratsuenak islatzen ditu, nazioarteko testuinguruan, ekintzaileen kolektiboari arazo ugari eman dizkion pandemia globalaren urtean.

Aurkezpenean parte hartu dute Leyre Madariaga, Eusko Jaurlaritzako Eraldaketa Digital eta Ekintzailetza zuzendariak, Joseba Mariezkurrena, Bizkaiko Foru Aldundiko Ekintzailetza eta Enpresa Lehiakortasuneko zuzendariak, Noemí Peña, UPV/EHUko Bizkaiko Campuseko Ekintzailetzako eta Transferentziako zuzendariak, eta Eduardo Castellano, MUKO I+G+b koordinatzaileak eta MIK zuzendariak.

2022-2023 Txosten berria ikertzaileen taldeak egin du, EEB-OVEko ekintzailetza-adituek, eta kideak Deustuko Unibertsitatekoak, Universidad del País Vasco/Euskal Herriko Unibertsitatekoak eta Mondragon Unibertsitatekoak dira. Datuek ekintzailetza-jarduera eta -kulturaren alde egiteko beharrezko erakunde-politiken diseinua orientatuko dute.

Ikerketa gure lurraldean 4.300 pertsona baino gehiagori egindako inkestan ateratako datuetan oinarritu da. Gainera, ekintzaileen ezaugarri nagusiak, Euskadiko ekintzailetza-ekosistemaren tendentzia globalak eta Euskadiko ekintzailetza-ehunaren proiektu berriak garatzeko jarduerasektoreak ere jasotzen dira, ekintzailetza-proiektu oro abian jartzea zailtzen ari den gerrak eta energiak eragindako ziurgabetasun-testuinguruan. Hori guztia nazioarteko alderaketaren ikuspegiarekin, zeinak aukera ematen duen hobeto ikusteko EAEko ekintzailetza-ingurunearen ahulguneak eta indarguneak.

Hau da zure hedabidearen laburpen exekutiboa

Euskal Autonomia Erkidegoa erreferentziatzko ekosistema ekintzailea da, eta kultura ekintzailea sustatzeko erronka garrantzitsuak ditu.

Global Entrepreneurship Monitor txostenak 2022-2023ko euskal ekintzailetza ekosistemari buruz eskaini duen diagnostikoak errealitate bikoitz baten berri ematen digu: alde batetik, **hobekuntza orokortua** eta egonkorra ikusten da euskal ekintzailetzaren emaitzetan, **bai kantitatean, bai kalitatean**; eta, bestetik, **ekiteko erreferentziatzko testuingurua** dugu estatuko eta Europako esparruan, baina **ez du lortzen** modu erabakigarrian **sustatzea kultura ekintzailearen** balioak. Laburbilduz:

1. Euskal ekintzailetza ekosistema estatuko **rankingaren buru da beste urte batez**, eta lortutako balorazioak **EBko batez bestekoa gainditzen du** eta AEBetakoaren antzekoa da.
2. **Jarduera ekintzailearen datuak oro har hobetu** egin dira, **sustapen ekintzailea eta enpleguaren sorrera** hazi egin baitira.
3. **Kultura ekintzailearen** balioak dira euskal ekintzailetza ekosistemaren **defizit** nagusia, eta **porrotaren beldurra** da lurraldean ekintzailetzaren behin betiko sustapena lortzeko oztopo faktorerik garrantzitsuena.

Azken batean, ekosistema ekintzailearen diagnostiko gero eta adituagoa dugu, ekintzailtza hobekoa, kalitate handiagoako (enpleguan nahiz berrikuntzan), genero arrakala pixkanaka murrizten ari dena, maila digital garrantzitsukoa, kanpo finantzaketarako sarbide hobekoa eta jasangarritasunarekiko konpromisoarekin.

Bestalde, herritarrek ekintzailtzari buruz gero eta pertzepzio okerragoak dituzte, eta Euskadin ekitea erabakitzen duten pertsonak pixkanaka zahartzen ari dira. Euskadiko ekintzailtza ekosistemaren lana bere fruituak ematen ari da emaitzetan, baina ez du lortzen ekintzailtza aukera profesional eskuragarria izatea.

Aurkezpen-ekitaldia BAT B Accelerator Towerrean egin da (Gran Vía, 148001 Bilbao, Bizkaia).

GEM EAE 2022-2023 aurkezpenak erakunde publikoen bermea du, eta horiek prentsaurrekoan egon dira.

Bilbo, 2023ko urriaren 3ko.

EEB-OVEren INGURUAN

EEB-OVE Observatorio Vasco del Emprendimiento- Euskadiko Ekintzailtzaren Behatokia Euskal Autonomia Erkidegoko ekintzailtzaren datuak neurtu eta interpretatzeko tresna da, ekintzaileei, enpresei eta erakundeei erabakiak hartzen laguntzeko. EEB-OVEk EAEko ekosisteman ekintzailtza-fenomenoa neurtzeko erreferente gisa finkatzeko helburua du.

Ikerketa-taldeak eskerrak eman dizkie SPRI Enpresen Garapenerako Euskal Agentziari, Eusko Jaurlaritzako Ekonomiaren Garapen, Jasangarritasun eta Ingurumen Sailari, Bizkaiko Foru Aldundiko Ekonomia Sustatzeko Sailari, Gipuzkoako Foru Aldundiko Ekonomia Sustapeneko, Departamentuari, Arabako Foru Aldundiko Ekonomia Garapenaren eta Berrikuntzaren, FESIDeri eta *Emilio Soldevilla Fundazioari*. Esker bereziak eman dizkie, berriro ere, SPRI Enpresen Garapenerako Euskal Agentziari, GEM EAE proiektuko erakunde bazkidea baita, *eta baita Eusko Jaurlaritzako Ekintzailtza eta Eraldaketa Digitalaren Zuzendaritzari ere.*

- **INFORMAZIO GUZTIA GURE WEBGUNEAN DAGO ESKURAGARRI:** <https://eeb-ove.eus/>
- **ELKARRIZKETAK EDO ERREPORTAJEAK HITZARTZEKO, JARRI HARREMANETAN HAUEKIN:** info@eeb-ove.eus